

Parvovirus (meeqqat nappaataasa tallimaat) - Angajoqqaanut paasissutissiissut

Parvovirus-mik tunillatsittoqarsimava? Angajoqqaatut nappaatip tuniluussinnaaneranut pinaveersaartitseqataasinnaavutit. Ilitsersuut atuaruk meeqqallu parvovirusimik tunillatsissimasorigukku sulisut tamatuminnnga ilisimatikkitt.

Parvovirus (meeqqat nappaataasa tallimaat)

Meeqqat nappaataat taanna nalinginnaaqaq tamatigorsuinnangajallu sakkukitsumik atugaasarluni. Inersimasut 65 %-it missaasa nappaat siusinnerusukkut atoreersimagamikkuk akiuussutissaqarput tunillatsissinnaanatillu. Naartunerup affaata siulliani tunillatsittut peqqinnissaqarfimmit immikkut nakkutigineqassapput.

Tunillatsinneq

Nappaat qisikkut assaat atortulluunniit aqqutigalugit imal. quersornikkut tangajornikkulluunniit silaannarmut serpalinnernit najuussinikkut tunillaattarpoq. Aniornerit tunillaanneq ajorput. Tunillaasinnaaffik: Tunillatsinnermiit ullut 5-10 (sap. ak. missaa) aniornininnissap tungaanut. Taamaasilluni nappaatip ersiutai sulit takkutinnigitsut tunillatsittoqarsinnaavoq.

Nappaammut ersiutit

Tunillatsinnermiit napparsimalerneq: Ullut 13-18 (sap. ak. marluk missaat). Nappaat nualluummut sakkukitsumut eqqaanartumik aallarniuteqarsinnaasarpog akuttunngitsunilli ulussat aappilernerannik aallarniuteqariarluni pingaartumik avatini aniornerit takkuttarput. Timikkut avatitigullu aniornerit putoortulianut eqqaanartuupput. Aniornerit ullut marlussuit atasarput sapaatit akunnerili tulluuttut ingerlanerini pingaartumik meeqqap timini atorlugu kiagulerpat takkuteqqissinnaasarlutik. Kissarneqaataalaarsinnaavoq nappaalli aamma ersiuteqanngivissorsinnaalluni. Inersimasuni ilaatigut naggussatigut ippigusuutaasinnaasarpog. Inuit aammikkut nappaatillit tappiorannartup virus-ip aakilliortitsisinnaanera pissutigalugu peruluutigisinnaavaat. Naartunerup affaata siulliani tunillatsinnikkut naartumik katatsisinnaaneq naartulluunniit aakilliulersinnaanera anginngitsumik aarlerinartitsisinnaavoq. Naartorisamut innarluuteqaataalersinnaanngilaq.

Nakorsartinneq

Nappaat nakorsarneqarsinnaanngilaq. Naartusut tunillatsissimasinnaasut misissorluarneqartariaqarput.

Taama nappaateqartoqarnerani maleruagassat

Naartusunut nappaammik siornagut tunillatsissimanngitsunut immikkut navianaateqarsinnaavoq. Sullivinnik Nakkutilliisoqarfik attavigalugu www.at.gl ilitsersortigit.

Meeqquerivimmukaqqinnissaq

Meeraq peqqissipat.